

tur: qua uti cuivis alij verbo dicto, aut predicato: sicutiam verbo DEI in templis annuuciato aures patulas præbere homo potest.

57. Patet hoc ex perspicuis scripturarum testimonijs & Exemplis. Rom. 10. 2. tribuit Apostolus hominibus merè carnalibus zelum, sive studium DEI, licet ἔκατ' ἐπίγνωσιν: & DEVS ipse apud Propbetam, Iudæis perituris, & à gratia alienis, adscribit famem audiendi verbi DEI, sive summum desiderium illius audiendi & discendi dicens: Ecce dies venient & mittam Famem in terram: non famem panis, neque sitim aquæ: Sed audiendi verbum Domini: & commovebuntur à mari usque ad mare, & ab aquilone, usque ad orientem circumibunt Quærentes verbum Domini, & non invenient. Amos 8. 11. & 12.

58. Exemplis idem fit manifestius: Nicodemus nondum sanè renatus ad Christum venit, & veritatis viam addiscere satagit. Ioh. 3. 4. Herodes libenter & cum voluptate audire solitus Iohannem Baptistam: Marc. 6. 20. Sergius proconsul Ethnicus desideravit audire Paulum & Barnabam. Act. 13. 7. & c.

59. Neque verò vel Pontificiorum opinioni, vel Synergistarum dogmati, quicquam nostra hæc sententia patrocinator. Haud enim quicquam aliud, quam naturalem auditum & iudicium quaecunque carnale homini concedimus: neque admittimus, ipsum suo hoc auditu gratiam Dei ullo modo vel antevertere vel promereri. AH-